




59

A. 6. 54







ΟΥΤΙΣ. NEMO



C. M. R. AD CROTVM RVBIANVM
Epi, de Nemine Hutteniano.

Omen adest placidū, pateant Rubiane penates.

Claude, venit Nemo. Nemo, reclude, venit.

Quis nouus ignotis hospes successit ab oris?

Οὐτίς πολύτροπος dicor Homere tibi.

Sum vafer, & Protheus. struo. destruo. texta retexo.

Orbica quadratis, candida muto nigris.

Accedit precio velut auro lucida Gemma,

Artificis chari nobile q̃ sit opus.

VLRICHI DE HVTTEN

EQVITIS GERMANI AD CROTVM RV

BIANVM IN NEMINEM PRAEFATIO.



ACCIPE IGITVR HOC TIBI NI-
hil Crote, quod toto anno scriptū a me
conquestus es, idq; in epistola tua, quo
dam quasi Tragico ploratu vices repe-
tis, quasi qui nihil est, ab eo aliquid ex-
torquere liceat. At nunc ipsum illud ni-
hil ad te mitto, & ita mitto, ut Nemine perferente acci-
pias. Quicum enim rectius Nihil qm cum Nemine ver-
satur, cum Nemo nihil scribat ac faciat. Sed iam nosse vis
vnde hoc repente commentū. Ex peruersa Crote hominū
opinionē, Simul tua Tragica epistola. Nam vt tu nihil
a me scribi quereris, ita sunt homines, qui siquid scribas
etiam aut facias, & ipsum illud & te autorem nihil dicant
In ea tempora incidimus, in id vulgi iudicium succumbi-
mus. Si adhuc quid sibi hoc velit Nihil dubitas, priora
reuele, ac quaedam vt contigerūt in memoriam reuoca.
Periculum fecisti mecū, quid mereantur, qui optima stu-
dia studiosissime sectati sunt. Nempe vt nihil didicisse, &
ipsi homines nihili dicantur propalam. Qua in re clemen-
tiores adhuc iudices expertus es, q̃ ego. qui post tot an-
norum meam per Europam peregrinationem, tot aditis
periculis, tot exhaustis calamitatibus, nullis non erumnis
afflictus, cum tandem ad meos rediissem, quid aliud spe-
rare debui, qm homines longa mei expectatione fessos,

adueuienti occursaturos, obujs manibus excepturos, blanda aliqua præfatione salutatū amplexaturos, gratulaturos incolumitati meæ, probaturos q̄ cū patrijs Musis rediſsem in gratiam? At paucioribus curę fuerūt hæc, q̄ reperti sunt, qui me accusarent etiam. Iam enim fama præceſſerat quib⁹ studijs quā operā impēdiſſem. Itaq̄ reprehendere omnes, ac frustra laboraſſe, & tempus perdidiffe dicere. Atq̄ eo omniū tandem calculi coniecti sunt, & quod vix credis in patria miſer inueni Neminem æquū meorū studiorū iudicem. Illū vide Neminem, qui hoc de ſe dicit. Nemo refert studijs præmia digna bonis. Nō aliter, atq̄ ille ego ſim decoctor filius: qui ad porcorū aras & cōmeſſandas ſiliquas relegari debeam. Aut non melius ſit ita ſtudiſſe: q̄ ſtudiſſe omnino nihil. Nam ex æqualibus qui neq̄ literas neq̄ natare didicerūt: nihil offendeabant. Adeo tutius eſt, nō ſtudere, q̄ ſic ſtudere. Et hanc quidē impegerunt mihi culpam, ut eſſet quod duritię ſuę prætextū obtenderent. Tuncq̄ primū diuagatus eſt rumor, nihil didiciſſe me, ac eſſe nihil, magnis ille quidem auctoribus. Nam vbi in illos quis inciderit iactatores leguleos, aut ad hos adpulerit ſupercilioſos Theologiſtas, uō dico quomodo poſſet ſcire aliquid, hoc dico, quomodo poſſet eſſe aliquid? Diogenes Cynicus vltro nihil ſcire vult poſt eū qui omnia ſcire proſitetur, ac eſſe aliquid contēdit. Id quod ego adhuc conſequi tot laboribus nō potui. Nam cum inter meos verſor Equites, haud numeror, ex iſtis vero indoctis doctis nemo me agnoſcit. Ac neſcio an alicuius eorum vmbra ſim. Ita plane non ſentio ipſe me,

quoties sua studia prædicant, suã eruditionem, sua ingenia ostendũt. At vero in me quicquid est, omni cõtemptu contemptius iudicant. Tũc iactantur ab alteris Felini, Baldi, Bartholi, Iasones, Accursij, speculatores, ac id genus doctorculi, ab alteris vero subtilis Scotus. Seraphicus Bonauentura, bis sanctus Thomas, vnice magnus Albertus. ac irrefragabilis quidam, cuius mihi nomen per incuriã excidit. Et a tantis magistris, tanti discipuli, ab istiusmodi fontibus hi riui sunt: vt sciat aliquis: ad Scotũ quantũ nobis restet: qui inter sectatores illius: tam nihil scimus: tam sumus inerudite eruditi. Qanq̃ tu solitus sis imitari: qui nos olim docuerũt Colonenses: & syllogismis fulminare ac si quando prouocaris: alacriter congregi: opponere: assumere: respondere: cõclusiones sustinere bis triginta non nunq̃: arguere pro & contra: quem illi nō statim probāt, q̃ non formaliter consuis argumenta. Quod genus est illa quæstio. An acutius aliquid videre potuerit: raptus in tertiuũ coelũ Paulus: q̃ in sua cella cum tantis speculationibus indormiret aliquãdo Doctor sanctus: acute vt mihi videbatur per te disputata: sed ab illuminatis Thomistis, qui soli cerebrũ habent: discutienda. Nō magis orto sole euanesçũt minima sydera: q̃ nos Crote quantocũq̃ conuentu: quodã se istiusmodi farinæ clamoso tripudiatore ingerente obscuri fimus. Sed audi meũ in hac re consiliũ postq̃ mihi stomachũ mouerũt isti olim superbi legũ dispensatores: fateor: esse aliqd cõtendi: & eo studiũ contuli meũ: ac dispereã si vlla alia ratione: q̃ vel vt meorũ desiderio satisfacerẽ: vel ipsum illud: quantũcũq̃ nugatoriũ

est, quo isti triūphant Bartholiste, assequutus, acceptoq;
doctrinę titulo, quo decipi vulgus amat, ab illis postea
audiri mererer, quod aliter per contemptum non fiebat.
Doctore enim esse oportet nunc, doctū neq; necesse est,
neq; omnino aliquid est. Quanta literarū iactura hoc fa-
cies aiebat aliquis? Nulla respōdi, quippe impendendū
aliquid succisui temporis, dū istas illiteratas literas atq;
hanc doctrinarum fecem iactare discam. Nam intelligere
nullo negotio licet. Sū enim plane in ea opinione, ut qui
in his studijs superbire sciat, & pro tempore ingerere se
audeat, eum consumatū hoc tempore iureconsultū existi-
mem Quod institutū, quid refert, quomodo postea im-
mutauerim, scribere, cum tu illi interfueris Senatui, quo
istud factum est consultū? Ad Bartholistas redeo. Tales
sunt qui nūc in auribus Principū quasi sphongiæ herent.
Quibus consultoribus respublicę gubernant. Ad quorū
pręscriptū omnia domi forisq; geruntur: Qui soli docti
sunt: soliq; doctrinę preciū inueniunt. Quibuscum suū
isti diuites aurū cōmune habent. Quos solos benignius
salutant. Ac nescio an vsq; manifestius stultitię suę do-
cumentum, qm̄ in demerendis rabulis prębeant. Quos
cū reddunt purpuratos, ipsi aliquando egent inepti ho-
mines, quasi non melior fuerit Germanię status, anteqm̄
isti inuaderent, tot voluminibus instructi, tunc cum plus
valerent hic boni mores, q̄ vsquā scriptę leges. Aut non
adhuc tanto quęlibet ciuitas prudentius gubernet, quan-
to ab ea longius absunt hi glossatores Ac illos mihi intue-
atur aliquis apud Balthicū mare Saxones, qm̄ incunctan-

ter, ac nulla iniuria ius dicunt, non consultis quidem illis
quos dixi leguleis, verū suo illo ab antiquis more, cum
nos hic viginti annos, inter triginta sex Doctores pende-
amus. Qui quomodo persuadebunt mihi doctrine opi-
nionem, cum tot annos, tot perlectis voluminibus inue-
nire quid iuris non possint? Obscure igitur intelligimus
quis alat istas in Germania contentiōes? istas discordias?
Quis intestinis bellis cōnectat Principes? Rebusp. tumultus
inuehat? omnia sedicionibus impleat? Ex his quendā
nouī, insignem asinū, quod mihi videtur, quod ipsi, iure
consultū, qui aliquando simul audientibus nobis Papię
illud iuris cūlmen Iasonem, cum is prelegeret, ac multis
citatis autoribus subiiceret, & Alexander de Imola ac se-
quaces, conuersus ad proximū quæsiuit, quis ille esset se-
quaces. Putabat enim ex glossatoribus vni sequaces nomē
esse. At idem ille, qualis qualis est, nuper ex Italia rediit
libris ac vestibus splendide instructus, & inter Doctores
numeratur, ac me qui melius capio Iasonem, post tergū
relinquit. O mores, O studia, O temporis huius capita,
quin istas abstergimus nebulas? & aliquando verū intue-
mur. At valde interim ex suis sibi isti cōmentarijs placent
studiū alioquin tractabile, omni caligine inuoluentes, ac
Cymerijs plane tenebris obscurius reddentes. Quorū vt
densionem quis nebulam, atriores noctem libris diges-
torū admolitus est, ita pro classico autore celebratur, &
in admiratione habetur. Cuius enim lucubrationibus nō
antefertur Accursius quidā, ex cuius tenebricoso ingenio
hic offusus est luriciuili fumus? Non iniuria igitur mise-

rebat te mei olim, cui vt studiosus essem, ad huiusmodi
studiū diuertendū erat. Tam inconsulta sunt hominū su-
per humanis studijs consilia. Quare ut mihi videtur, qui
ingenuo sunt animo ac recte libero, omnia malint, q̃ in
has se demittere sordes. Hæc ego accusare in illis, quan-
tū iniquissima sunt, non ausum, nisi repetita bis veniæ peti-
tione, prefatus, dicturū me, quod nemo sentiat, ac nihil di-
cturū. Sumus enim nihil Crote, nec prius desinimus nihil
esse, q̃ aliquā nobis in hac Comœdia personā assumam⁹
Quanq̃ nisi obsessent mihi literę, poterā satis reuerenter
Eques Germanus salutari, & tu Sacerdotis appellatione
satis honoratus eras, nisi & præter Equestrem dignitatem
esse putaretur, literas discere, & penitus nihil saperent, qui
se valde hoc seculo putant sapere. Hi sunt, qui cum literas
ignorent, consiliū tamē nobis dant quid discere oporteat
& studiorū censores agunt, quorū a titulis præmia meti-
untur, sic fere querentes. Quid est iste? quibus responde-
re licet. Doctor est. Magister est. Baculaureus est. Aut si
nullū istorū attigit, nihil est. Nuper ex quodā meorū que-
situm hunc in modū est, ab istius professionis homine:
curioso illo quidē salutandis amicis: qua me honoris præ-
fatione salutari oporteat. Tum meus respondit: nondum
aliquid esse me: hoc volens scilicet homo simplex: nullo in-
signitū titulo: quod satis fuit huic salutatori. Hodie enim
non qualis quisq̃ sit: sed quo vocetur nomine: queritur.
In casu ac pecunijs omnia insunt. Virtuti propriū est nihil
Illud proh Ghriste nihil: quod nunc optimus quisq̃ vo-
catur. Cur igitur sapere quis velit: quando sapere extrema

hoc tempore dementia est: Hinc mihi hoc Nihil excidit,
atq; hic prodit Nemo, nullis ille quidem calumnijs:
nullis obnoxius contumelijs, plenus fiducia, qua elatus,
hoc audet Nihil in lucē adducere, impune credo ad om-
nes euentus. Quia qnī nemo est, quid obstat, quo minus
loquatur hoc suū nihil: Quod si non probabunt qui vo-
cantur Theologi, suo more fecerint. Quanq; probabunt
forte, cum aut nihil eis placeat, aut quædam magis q̃ ne-
mo putet nihil. Quibus aliquid meū nōnunq; ostendens
Ecce vobis nihil inquit, ab eo, qui per vos nihil est. Ibi tū
accurate legunt inuestigantes, nū hēresim sapiat, & statim
siquid minus placet, quanq; sit hoc nihil: enotant. Inde in
articulos errata digerunt. Sunt enim pensiculandis homi-
num serinonibus acuti valde iudicij Vbi siquid offendit,
frontē contrahunt, labra exporrigunt, nasum suspendūt,
nonnunq; ad ignem, ad ignem ingeminant. Quam col-
luuionem mouere tutum non est. Non magis q̃ cum sen-
tibus luctari, aut præsens aliquod vltro sibi malum accer-
sere. Apud hos cautū est nequid temere loquamur, me-
tuendū genus hominū, ac fari omnia solitū, audire uihil.
Quis liberius enim carpit vitia nunc, q̃ isti sapientes? Imo
quis petulantius quoquo vult inuehitur? Si quæras, ipsi
interim quomodo viuant, palliū & cucullum ostendere
satis habent. Quæ si nihil dicas, ibi tum in articulos tuum
referunt nomen. Probarunt tot inquit Pontifices, ac pri-
uilegia proferunt, tibiq; negociū faciunt, malum minis-
tantes, ni Palinodiam occinas. Longū esset scribere tibi,
quoties illis iam displicui, donec consensi in hoc Nihil,

quod quia nihil est: nihil ab illis fit: & omnino cōcessum
est: nihil dici aut neminem dicere: hac lata lege: nihil dixe-
ris: aut nemo dicere audeat. Atq; ita me tueor: prudenti⁹:
q̃ vbi quendam olim ex his Crabronem vehementer ir-
ritaueram, cū dixissem, nihil scire nūc Theologos, quod
non discere quis vel sine praeceptore possit. Quod meū
piaculare verbum, quo dij boni supercilio exceptum est:
Quæ conclusiones, quot syllogismi, quanta Enthimema-
ta sequuta sunt? Obtundebam infelix. At ille iratus domi-
nus virgines deprecatrices poscere videbatur, vt mihi pro-
picius esset. Cui omnia concludenti, omnia concessi, her-
bam quod aiunt porrigens, in hoc etiam assensus, vt su-
pra vulgarem ipse hominum sortem, numinis loco sit,
ego nihil sciam, nihil sim. Quodq; doctus ipse fulgeat
quasi splendor firmamēti, ego in his delitescam tenebris
meis, vbi loqui nihil liceat. Capionē ab animi magnitu-
dine omnis admirabit posteritas, qui descendere cū his
in aciem, ac pugnam capessere ausus sit, & mira hoc foeli-
citate, præter omnium opinionem. Qui si qua forte labo-
rasset, tunc cum multis cōmune mihi fuisset hoc nihil. Om-
nia debentur Maximiliano principi, qui se furentibus op-
posuit, non passus euerti optimū virum, & de hoc Impe-
rio suis consilijs suaq; industria sic meritum. Secus Theo-
logistę Parrhisiēses iudicarūt, sua maxima infamia, suoq;
dedecore. Quod recordanti mihi, subit, quid in Christia-
nā religionē inuexerit, hæc trecentorum annorū Theo-
logia. Postq; enim discessum est, ab illa veteri & Germa-
na, tum vero cum studijs declinauit simul religio, ac

illa increbuit, omnium pestium pestilentissima superstitio. Quæ sua caligine, ita verum dei cultum infuscauit, ut nescias Christi sint, quæ obseruas, multa, an alicuius noui dei, qui hoc sibi vendicet vltimū mundi tempus. Habent tamen pessimorum librorum magnos acervos. Ac dum istos negligunt antiquos, & recte doctos autores, in his versantur nugamentis, & in scripturarum sordibus, non secus ac in luto Scarabeus deliciantur. Neque tunc vilius quid nostris studijs tractare se putant, quoties pro concione sordidam aliquam fabulam, aut anile deliramentum, vulgi crudelitate abusi, deblaterant. Qui cum tales sint, quicquid tamen extra suam farinam est, contemnunt ac aspernantur. Cumque omniū insulsissimi sint, eos tamen esse se contendunt, quibus semel Christus dixit. Vos estis sal terræ. Quare & sapientes credi volūt, ac Apostolis quicquid olim datum est, iure hereditario ad se trahunt, & in compellationis præfatione, Magistri nostri, mira & inaudita ambitione dici gestiunt. Forte quia confessiones audiunt, ac consilia Regum & Principum ediscunt, deinde muliercularum quoque secreta nimis auide rimantur, ut se iccirco plus omnibus sapere credant; & non immerito a discipulis Magistri: a filiis patres (proh pudor) salutentur. Qua de re facitissimam tu olim ad me Epistolam. Sed quid ego hæc? Quasi hoc tempore Theologi non sint? Minime. Sed quæ tam nihili homines in Apostolorū locum succedant: in eius rei indignitatem aliquis Nemo exclamare potest: omnia inuerti, omnia confundi & misceri, Omnia secus

ac sint haberi. Nihil sibi constare. Neminem aut a morū
integritate bonū, aut ab eruditione doctū iudicari, sed al
terum cucullo ostendi, alterum titulo vtcunq; acquisito
exprimi. Tu Crote qui acutius omnia intelligis, quid vi
disti tempestate nostra Christianū magis, q̃ illos nuper
Erasmi labores? aut quid contra magis inuisum his Tho
mistis? vt susurrabant, vt fremebant, vt stringebant super
cilia, vt nasos suspendebant. Illa rumpi his credas, quoties
tale aliquid viderint. Ita alienis virtutibus inuident pessimi
homines. Ita conscientia ignauie suae cruciantur nebul
lones. At tunc strennui sunt, quando in suo illo regno,
publico suggesto, apud indoctū vulgus, ac leuissimi sex?
turbam declamant, ibi lacerant, ibi inuidentie suae stimu
los exerunt, ac illud eiaculantur terribile fulmen, & mi
rū euomunt venenū, non in eos in quos necesse est, sed
quos sibi molestos esse vbilibet contigit. Alexandrum
sextum nostra memoria Pont. Maximum dixisse ferunt,
cum potentissimo Rege aut Principe malle sibi bellum
esse, q̃m cum vno ex fratrum mendicantium ordinibus.
Omnia enim habere eos, qui nihil habent, ac inexpugna
bile id esse hominū genus, quacunq; certandi via adoria
ris. Nescio acutissime hæc consyderem, an vero dolore
meo latius efferar: hoc certe puto: neminem non ciuiliore
reperiri victore: si quos disputando concludendoq; vinci
contigerit: q̃ hos preposteros Christi apostolos. Quid
enim crudelius vnq̃ sensisti: q̃ vbi quempiam arripuerint
eorum: quos hereticos vocant? Tunc quippe omnia Chri
sto: preter vnam misericordiā concedūt. Et quod illi pro

prium maxime est: hoc tum longissime ablegant. Quin etiam adeo insolentes se gerunt: vt nemo nō damnari malit: q̃ ab his consequi veniam. Qui cum oppugnandis nobis: quorum patrimonijs aluntur ventricosi Hypocritæ: adeo feroces se exhibeant: nullus tamē reperitur: qui religionis zelo in Turcas eat: fidē Christi predicaturus. Aut illos saltem in medio nostrū Bohemos vt erudiat: quos illorū vitio secretos ab ecclesia Pius secundus Pont. Max. non obscure queritur. Profecto vbi nihil opus est: ferociunt: vbi faciendū periculū: ibi se subtrahunt profidī pugnatōres: ac quietem allegant: quæ debeatur religioni. Ad quid igitur istas putem conferre scholasticas disceptationes: tot vñs: tam diuersis inter se opinionibus concinnatas: vnde hæc nomina: hos vsurpant titulos? Hieronymus a piscatoribus sumi: quod fidē Christi astruat: oportere credidit: & dialecticam abesse iussit: quā si his ademeris: quid reliqui facies? Iterum dico igitur Crote: qui ingenuo sunt animo: ac recte libero: his faciendū hoc tempore: vt omnia malint: q̃ vulgi inseruire iudicio. Ita passim erratur: ita nihil sumus: ob id quod boni esse studeamus: ac nihil scimus: quia aliquid recte scimus. Quod si tibi videtur: & in ea es sententia: vt magnopere non cures: quid istiusmodi probent iudices: perpetuo erimus nihil. Ac suauiter interdum ridebimus hominū mores. De me sic habe: certum est non obsequi his: qui me Doctorem esse volunt. Quorum proxime quidam: adde inquit nomen rei. Si possem respondi rem postea nomini. Nec illos moror: qui mihi nulla virtutis opinione: sed precio

quæsitis titulis præferuntur. Ac libenter nihil sum: ut ne in
hoc impingam ambitionis studiū: & vel latum digitū
ab instituto discedam meo. Tu interea Crote: quando-
quidem & ipse mecū nihil es: hoc nihil satis habe: quod
pellegas. Et illud tecum cogita: eum quoque qui nihil fa-
ciat: aliquando facere aliquid: & qui nihil scribat: scri-
bere multum sæpe. Vale: & me ama: a quo te immorta-
liter amari nō obscure sentis. Deinde hūc audi Neminē.

NEMO LOQVITVR.

Quisquis ades / si forte novos mirabere lusus:

Ne rigida faciles accipe fronte iocos.

Sed qua læta probis ageres conuiuia mensis.

Quoque decet vultu res variare graues.

Inter se mutata placent. Non omnibus idem

Est locus, haud poscunt omnia tempus idem.

Et quandoque leues veniunt ad seria risus:

Quo iucunda graueis temperet hora dies.

Este alij tristes semper: semperque seueri.

Qui sapis / alternas omnibus adde vices.

Scilicet hic modus est. Tu qui mea nosse laboras

Fata: Cleanthæum pone supercilium.

Qui loquitur Nemo est. loquitur Nihil. at tibi siquid

Insonuit: dicas Neminis esse Nihil.

Sum nemo. viuam: nec ne: cui dicere promptum est:

Non etiam promptum est hoc mihi. viuo tamen.

Nemo agitat vitam. tu quid te contrahis: anquod:

Si viuit Nemo: viuere non potis es?

Ille ego sum nemo: de quo monimenta loquuntur:
Ipse sibi vitæ munera nemo dedit.
Nemo fuit semper. nemo isto tempore vixit:
Quo male dispositum dñi secuere chaos.
Ante ortum Nemo est aliquis, Post funera Nemo.
Nemo quid inuito fertue facitue deo.
Omnia nemo potest. Nemo sapit omnia per se.
Nemo manet semper. Crimine nemo caret.
Nemo fugit mortem. nemo est a fine superstes.
Nemo exors certi nascitur interitus.
Nemo animos nouit superum: sensusq; latenteis.
Nemo quod est: quod erat: nemo futura tenet.
Nemo salutiferas præter seruabitur vndas.
Nemo fidem Christo non habet: & bonus est.
Nemo sorte sua viuit contentus. & intra
Fortunam didicit nemo manere suam.
Nemo sacerdotum luxus: vitamq; supinam:
Nemo audet Latium carpere Pontificem.
Nemo in amore sapit. nemo est in amore fidelis.
Nemo alij propior qm studet esse sibi.
Nemo vagas numerat stellas. ipso ordine nouit
Nemo, quid in terra, quidq; feratur aqua.
Nemo potest dominis simul inseruire duobus.
Nemo quod, & quoties expetit illud, habet.
Nemo bonus, nemo est ex omni parte beatus.
Nemo simul potis est omnibus esse locis.
Nemo omnes posita Germanos lege coercet.
Nemo iugum Rheni gentibus imposuit.

Nemo per innocuos mores emergit . & aulæ
Sontica prosequitur munera nemo pius.
Nemo Quirinalem dominatu liberat urbem.
Nemo laboranti subuenit Italiæ.
Nemo feros bello Turcas adit . & bona curat
Publica priuato munere nemo magis.
Nemo certa sequi sibi conscius optima legit.
Nemo audet subitis rebus habere fidem.
Nemo errore vacat: nemo sibi cauit vbicq̃.
Nemo placet cunctis : inuidiaq̃ caret.
Nemo quæ placeant stupido facit omnia vulgo.
Nemo refert studijs præmia digna bonis.
Nemo voluptatem nullis languoribus explet.
Nemo renascentem sedat auaritiam.
Nemo est in terris Germano Cæsare maior.
Nemo deum pariter diuitiasq̃ colit.
Nemo vagam stabili fortunam temperat orbe:
Nemo graui casus sub ratione leues.
Nemo quas conguessit opes : secum auferet istuc:
Mortuus vnde semel nemo redire potest.
Nemo maris guttas / numerumq̃ recenset arenæ.
Nemo dat æstiuis nomina pulueribus.
Vertere nemo vices / infectum reddere factum:
Nemo potest lapsos huc reuocare dies.
Et quæ præterea numero foret edere longum.
Quid valeat Nemo : nemo referre potest.
Vna meum censet leue turba domestica Numen,
Seruorumq̃ cohors : & puerile genus.

Horum est in famam tam prona calumnia nostram,
Vt nihil exoptent q̃ mihi obesse prius.
Nil moror hæc, ὀλίγοι τε καὶ οὐ τι δ' αὖτός καὶ ἄλλοις.
Opprobrio infœlix vltiore petor.
Atq; vbi peccarunt, neq; enim peccasse fatentur,
Transponunt labe in mea terga suas.
Quicquid ab his culpæ: quisquis committitur error,
Si quæras quis agat: omnia Nemo facit.
Amissum est aliquid: nemo abstulit, excidit aurum;
Nemo habet. At nullas Nemo cupiscit opes.
Quid quod fraude mihi grauidam obtrudere ministrā
Tot famuli: quanq̃ haud tacta sit illa mihi?
Quærendus puero pater est: Nemo obtigit, At tu
Si me audis: alium stulta require patrem.
Ecce infracta iacent hesternæ vasa tumultu:
Olla, lebes, patinæ, vitreolusq; calix,
Et variæ signis phialæ, Samiumq; toreuma,
Et carum infauisti cupula pignus heri.
Oenophorumq; capax, & aduncæ cantharus ansæ,
Sympiniumq; ingens, Herculeusq; scyphus,
Fracta iacet lampas, iacet vnguentaria pixis,
Quæq; grauis gelidas vrna ministrat aquas,
Sustulit hæc eadem fragileis insania testas,
At cocus ad solidum læsit athena focum,
Læsit & euersos tripodas, tenuesq; quadrantes,
Neglectusq; suo follis in igne perit,
Abiectumq; alio pistillum, abaciq; reuulsi,
Nec relocata suis stannea vasa locis.

Et quarrenda diu ruptis cochlearia thecis.
Fuscinæq; & cæcæ cura lucerna viæ.
Decidit excussa ferrata sagitta pharetra.
Ante suos manant vina refusa cados.
Hinc cyathi, tinæq; graues, & aquatilis obba.
Illinc Hetrusco seria amata Numæ.
Tympana rupta iacent. iacet amphora. nec tenet apte.
Puluerulenta suos bibliotheca libros.
Cum sparfos hinc inde colum fusosq; viderem,
Hæc etiam dixi culpa futura mea est.
Vos quoq; culter, acus, radij, subtegmina, forfex,
Turpiter irata sparsa iacetis hera.
Ebria securis domini petulantia seruis
Nil curare domum suadet: opesq; domus.
Quos petulans inter prostrato ancilla pudore:
Nonnihil in rerum perditione facit.
Ipsa penum struit. & patinas inducit opimas.
Quæq; sibi sollers multa reſeruat herus.
Vina dehinc promit: dehinc rarū quicquid ad vsum est:
Arte cibi varium docta parare genus.
Eruitur simili tucetum nobile furto.
Crassaq; furtiuo sumina toſta foco.
Hic bibitur totas mensura æquante lagenas.
Lataturq; meo libera turba malo.
Et varia exequitur sub multam gaudia noctem.
Gaudia non vno pernicioſa modo.
Multa refringuntur titubanti cum pede ſeruus
Post epulas & post pocula ſtrata petit.

Pressit in ollatum grauidum caput ille caminum.
Nec cubitum lapsi pulsa fenestra tulit.
Semireclusa canis subiit cellaria : & illic
Quod superest auido deuorat ore cibi.
Hæc quoq; deposito venit fortuna canistro.
Et quæ præterea diruta multa iacent.
Ipse domum tandem rediens herus : anxius ambis
Discere vastatæ singula damna domus.
Quo seriem quærente mali : tegor indice primo.
Efficiorq; omnis criminis autor ego.
Criminis autor ego. Quid enim quis dicere posset
Confestim breuius : q̃p̃ mala Nemo facit?
Quis ego pro meritis etiam benefacta rependo:
Illorum subiens corpore quodquod onus.
Et siquid mandauit herus curæ atq; laboris :
Ni faciam infœlix omnia : Nemo facit.
Nemo curat equos. Nemo huc discursat & illuc.
Pro domino Nemo est anxius : atq; domo.
In me tuta fides. audet committere lecto
Neminis : vxorem qui cupit esse probam.
Non tamen est mirum : quenq; hos inuadere mores.
Non adeo exemplo : qui facit ista : caret.
Multa licent multis : postq; semel hostis Vlysses
Supposuit sceleri nomina nostra suo.
At tu si dederis veniam mihi candide lector:
Quod fuerit nimium fabula longa. Vale.

ΟΥΤΙΣ ΕΛΕΓΕΝ Nemo dicebat.

VLRICHVS DE HVTTEN EQ.

Iulio Pflugk Equiti Salutem.



Tu quidem valeas, multorum crebro ad nos relatione perfertur. De statu Germaniæ, nescio an identidē tu intelligas. Proinde breuiter accipe. Primū varij sunt hic motus, verū ita occulti, vt vix aliquando suspicione aliquid assequi liceat. Deinde maximas res agitans, plurimos hoc tempore Germaniæ proceres huc protraxit Cæsar. Si procedit, quod ille molitur, nihil adhuc pigere nos debet horū temporū. Sin aliquid intercedet, quo minus expergefiat Germania, ille quidē merebitur gratiam, qui hæc conatus est, verū nos aut in fatū, aut in illam Homericā Aten reiiciemus culpā. Certe iucundiss. hic omnibus spectaculū ob oculos versatur. Tot principes iuuenta simul & corporis specie præstātes. Tanta Comitū ac Equitū multitudo, flos scilicet Germaniæ nobilitatis, vt qui hos intueat, formidandos magnope Turcas nō putet. Quod si hodie tantū cerebri est Germaniæ, quantū viriū, ausim Orbi terrarū minari iugum. Faxit Deus Opt. Max. vt sibi cōsulant hi, a quorū cōsilijs omnia pendent. Quid aliud optare enim debemus, qm vt nunc maxime agnoscat se Germania? Agit hic legatus sumi Pontificis, in cuius mandatis est, excitare in Turcas bellū. Quā causam egit oratione, quæ qualis sit, videbis, vbi editam ad te transmisero. Exigitur viritim pecunia, quā in expeditionē insumere oporteat. Quid admissuri sint Germani, adhuc in deliberatione versatur. Si tempus est, vt nos dii respiciant, neq; Ducū est Iuli, neq; militū.


inopia. Ipse mihi optima propono, & spem concipio nō
exiguā. Foecundus est hic conuentus. Nam & Regē Ro-
manorū parturit, & meis literis ac sua virtute clarissimū
per Germaniā Principē ALBERT. Archiepiscopū fecit
Cardinalem. Ac Christophorū Brūsuigiū in Archiepisco-
patū Bremensem extulit, & Casimiro Marchioni ex no-
bilis. Bauarorū domo nuptā conciliauit. Eadem si bellū
Turcis inuehet, tum fœlices nos, quibus neq; prius neq;
posterius nasci contigit. Mea ad Principes exhortatio nō
editur in lucem, q̄ insunt quædam, liberiora q̄ ferat hec
etas. Nosti quā in partē soleā *ωαρρυζιάειν*. Sed non est in-
genuat^{it}i locus. Petit & cōtra irruptiones Tartarorū auxi-
lia Polonus per legatos. Ac quiddā est hic etiam Gallis
negocij. Tum ab Hungaris orator est Hieronymus Bal-
bus. Quod mihi sumē placet, minori apparatu nostri, q̄
soliti sunt alijs conuentibus agunt, siue ob annonæ diffi-
cultatē, siue q̄ in multis mihi resipiscere Germania videt̃.
Quanq̄ est adhuc mira vestiū luxuria, a Gallis sumpto
exemplo, quos præter patriū morem emulari in hoc cer-
tamus. Et strennue bibitur, nondum sanitatem accipien-
tibus, qui rectis semper monitionibns reclamare solent.
Vt bene agantur omnia, obstinatissime studet Cēsar. Ipse
mihi negociū his diebus feci, discurrendo, ambiendo, ap-
prehendendo, dum optimū quencq; ex aulis Principū in
partes Capnionis traham. Quanq̄ huc ultro illi conce-
dant, nec iā opus sit parare nobis amicos. Ipsa causa emor-
tuæ similis est. Nihil enim audit̃, nisi q̄ Comes Herma-
nus de Neuuenar Hogostratū fertur Colonia expulisse.

propter impurū nebulonis figmentū, in quo hominē p̄se-
derat. Ex Gallia scribūt Faber, Budgus, Ruellius, & Co-
pus, nihil istic esse Capnionis nomine celebrius, & Theo-
logistis ademptā omnē penitus spem. Vos in Italia quid
agitis? Aut quod ipsi quoq; incendiū conflatis? Sed ad
illud iterū venio Principū decus ALBERTVM. Quod
præter Romanū morem factū omnes putant, gratis illi
misit galerum & purpurā Leo. X. tam ob persuasas sibi
multorū cōmendatione hominis virtutes, q̄ vt gratifica-
retur puto Cæsari, qui ALBERTO mire fauet. Damus
hoc pietati ipsius, & propenso in bonos omnes studio.
Caleñ. Augusti galerū sumpsit ille, apponēte legato Pon-
tificio. Iucundū fuit id spectaculū, maxima nobilitatis fre-
quentia factō sacro, ac ingenti omnis generis hominū cir-
cumfusa multitudine. Ipse Cæsar a sacris domū reduxit
ALBERTVM, deinde munera misit, regiā lecticam,
equos, & tapetes opere simul ac materia admirabiles. Iux-
ta hæc Leonis Maximi donū, gemīs, auro, ac margaritis
intextū pileū, & ensē deaurata vagina. Sequentibus aliis
quot diebus Magnates officiū fecerūt, ad illū venientes
congratulando, ob noui honoris accessionē. Deus bene
vertat ac spem foueat meam. Neq; enim potest ille non
charus esse dñs, cui tantus breui tempore honorū cumu-
lus, non ambienti etiam sese offudit. Timothei fortunā
dixeris, de quo illud aliquando diuulgatum est, ^{εὐδ' ὅτε}
^{κῦρτος ἀίρετ'} De me sic habe. Adhuc in ALBERTI Prin-
cipis aula exerceor. Scripsic; per negocia quantum licuit
præter Orationem ad Principes exhortatoriam, Dialo;

gos aliquot, inter quos est de vita aulica, non omnino
contemnendus arbitror, quem nunc edere paro. Nam
hic composui, Stromeri Medici instinctu, qui me singu-
lariter amat, & quem ego vicissim vnice colo. Nemo re-
uixit, & ad Crotum mittitur. Super quo nugamento des-
bes Italorum iudicia explorare. Erasmus Basilex agit, no-
ua iterū cudens, Philippus Melanchthon præter ætatem
eruditus iuuenis Vuittembergam accersitus est, non illibe-
rali salario Græcas literas vt doceat. Quo etiam qui He-
braica prælegat quærit. Thomas Anshelmus Hagenoui
Pliniū vna cum indice typis excudit. Magna est studiosis
omnibus cum barbarie lucta, spe ingenti, fore vt peruin-
camus, ac literæ vigeant. Iam enim despectius audiuntur
magisterculi, & recta se vbiq; studia excitant. Hæc volui
ne ignorares. Ipse aliquid ad me vicissim ex Italia, præser-
tim de statu Bononiensi scribito. Crotum cōmendo tibi,
vt pro tua in doctos homines benignitate obserues. Præ-
terea ex me salutabis istic Io. Mariam Iurecōsultū, & Sau-
romanū Silesitanū cum alijs omnibus nostris. Ipse opti-
me vale, ac me ama. Augustę Vindelycorum. .IX. Kalen.
Septembris.

¶ Impressum Augustæ in officina
Millerana.

MAXIMILIANO AVSTRIO CÆSARE.



GEO. PEARBODY

836

.4

H977

1518

9.1

7535806
16 my 19

Mutler 1024

